

新刊國朝二百家名賢文粹

新刊 國朝一百家名賢文粹卷第三

論著

歷代人臣九

兩晉

羊祜杜預論

四諫議

錫嘗讀晉史美羊祜杜預二賢名迹可得而論之其智略各有縱橫而聲望莫不相上下然羊公之善頗優於元愷何以明之預之才略有餘而恩信不及於祜祜鎮南方境隣吳土賔吳交兵克日方戰不尚譎詐之計不為掩襲之利敵人死於陣者數以還之敵人拘於晉者禮以遣之祜之用兵惠如時雨孫皓果多入有離心祜乃以恩敵怨也以信敵無信也祜之得機乃恩勝信取之時也故石城以西盡為晉有吳民感惠不稱祜之饋藥軍中陸抗無猜何誠信若是之昭著求諸名將古無其儔既掠吳人之穀以饋償之既備吳人之境以禽還之蓋欲促其歸晉之心而示其大信也吳中將帥果欲率部曲來降吳中黎民

果以家屬而至惜其經略已就表陝密謀而執政多違厥功弗  
集及其張疾朝廷就問其計畫伯欵起職良吳都罷市仰峴山  
以流涕何其遺愛最厚於民錫謂祐乃堯舜之臣非晉武之臣  
也嘗舉杜預以代其職預承成績克平南夏然預之多才罕有  
其比當其獨排輿論造成孟津之梁率用機心製就曹廟之器  
罷督以正於天度詳刑雅合於國典定功課之法盡產貨之利  
虜人寇隴先見已陳於石鑒匈奴犯邊定計預徵於公自關苟非  
奇士孰與於此及代羊祐彌見其才張正乃吳之名將也中我  
及閒之術孫敵乃吳之都督也畏我非渡之兵孫皓既平江漢  
懷德于時簡練武事修立類宮頗興開設庠序輕裘緩帶風流  
之不亞也疏沅湘之流通零桂之漕水利甚博士人歌之與夫  
墾田備邊實相伴也留精麟史撰集圖例雖欲殺數詩閱禮安  
可比出自古名將鮮有全能或大略有餘而細行不足祐既慎  
密預亦恭謹祐焚禁以自慎預獻賂以免禍功名磊落善始令

終此於知暫矣之必誅不就其辟知和道之見午能以智免枯  
又多焉所惜者羊公有知人之鑒得進賢之名而元豈但知立  
碑峴山垂名後世不能簡拔一士裨於國朝以是論之優劣可  
見矣

羊祜論

顧濱先生

善爲國者必度其君可與共患難可與同安樂而後有爲故功  
成而無後憂晉厲公與楚共王爭鄭晉人知楚有可乘之隙  
武子爲政欲出兵擊之曰不可以當吾世而失諸侯范文子不  
欲請釋楚以爲外懼藥武子不能用夫文子非苟自安者也厲  
公侈而多嬖寵諸大夫富而凌上國有大功則君自不相安亂  
之所自生也既謀之不從出而遇楚猶欲避楚而歸既勝又國  
曰亂將作矣吾不可以俟使其祝宗祈死逾年而厲公殺三郤  
立胥董藥書欣胥董弒厲公文子雖死而免於大難子孫與晉  
國相路始范武子事越王勾踐反自會稽撫人民厲公七年而

殺吳王夫差歸未及國知越王之難與同安樂也痛舟去之卒  
免文種之戮若二子者可謂有先見之明矣范文子至於自紂  
范蠡至於逃去而不顧何則所全者大也晉武帝既受魏禪中  
原富強群臣用命吳孫皓以遙虞失衆有士國之變晉人習於  
長江之險以爲未可取也幸祜爲襄陽守知其不能久陳可取  
之計武帝納之祜又進王濬杜預以成滅吳之功後世稱其賢  
吾嘗論祜巧於策吳而拙於謀晉何以言之武帝之爲人好善  
而不擇人苟安而無遠慮雖賢人滿朝而賈充荀勗之流以爲  
腹心使吳尚在相持而不敢肆雖爲賢君可也吳亡之後荒於  
女色蔽於庸子疎賢臣小人去武備崇藩國所以兆亡國之  
禍者不可勝數此則滅吳之所從致也孟子曰入則無法家拂  
士出則無敵國外患者國常亡故入常生於憂患而死於安樂  
祜不慮此而銳於滅吳其不共范文子遠矣或曰吳滅而晉亂  
此天命非人事也而幸祜何罪焉吾應之曰爲國當論人事使

祐不爲滅吳之計孫皓窮凶而死吳更立君則長江未可起也  
吳既不亡則晉之君臣厲精不懈是吳大滅而晉不亂也不猶  
愈於吳滅而晉亂乎祐之將死也武帝欲使卧護諸將祐曰滅  
吳不須臣自行但平吳之後當勞聖慮耳推祐此言蓋亦憂在  
平吳矣憂在平吳而勇於滅吳其不若范文子遠矣

羊陸非純臣論

淇水先生

古人之辯有出於一時而不足以爲可信之說者其失在於務  
應對之相上而常恐出於人之下是以雖有至偏之論心知其  
不然而卒發之者故其是非常至於失其當也愚讀晉載記至  
符生遣閭負梁殊使於張元覲初不見使者而張瑾見之負殊  
請與元覲通好由此辨論縱談以及羊陸之事張瑾答負殊以  
爲羊陸亦非純臣之義則愚以張瑾爲失之矣請試論之夫晉  
羊陸與吳陸抗實對境相持彼庸下之將惟以欺詐譎詭激  
倖於一日之勝足以爲已功而已矣祐乃獨不然持至誠大信

之心以捐區吳人不啻父兄之視子弟抗以其故亦交歡於祐  
遂至二境休兵不相侵寇祐至於饋抗之藥抗至於遺祐之酒  
抗曰羊祐不我欺也服之不疑祐曰陸抗不我誦也飲之不疑  
此傳以爲華元子友復見於今矣既而孫抗言抗以不亟討賊  
之意抗至建言以爲區區之晉猶有不欺人之臣而吳獨無之  
祗足以章吳之短而無損於晉之美也然則抗之所以不欺者  
祐啓之也始祐之先施以恩晉主平有刈吳穀者以納償之其  
相對而獵也禽獸有先爲吳人所傷而爲晉之獲者皆命還之  
有陳尚潘景者爲吳將忠於吳而死祐嘉其節厚斂而逆之又  
歸其二子於是吳人稱爲羊公不之名也卒而暴酷肆其毒於  
人上人心去之矣方是時羊公猶存卒建乎吳之策而王階王  
渾杜預之徒因鋒論遂以平吳而天下一統以息三分屠裂之  
禍於是羊公之功爛然進追伊呂爲匹夫晉史以爲羊公見天  
地之心其不然乎彼張瓘者徒不欲交於符秦而設辨以窮負

殊之意故有非純臣之說彼其心固自以爲不伏亦強爲之辭而已矣夫惟理之不勝卒見屈於負殊之辨而遂通耗於符秦則當時之是非固以甚明惜夫爲史者無一言以辨之愚故者論云

張華論

矩丘先生

裴頠勸張華以黜賈后而華不可其言曰聊以優游卒歲當時華有天下之望茲臣孽后切齒於華久矣雖不舉大事可得優游卒歲歟華之智盛不知此而爲是言何也夫華爲之亦死不爲亦死微幸苟免自安之言耳方是時華之計無可爲者矣與外日爲仇則賈后得藉口以誅之與孽后爲怨則強王將以伐正而行其意起貧賤取富貴既無棄屣之高又名重累身衆所不置已有遯尾之厲嗚呼華於是時蓋知不免矣自古爲是言者不以賢不肖皆不免者也董卓築鄱塢曰事成雄據天下不成守此塢夫事不成而塢可得而守歟卓雖愚亦知之矣曹爽



不能用桓範之計而曰不失爲富家翁其指意亦如此華之優游董卓之守塢曹爽之富翁皆知不免而微倖苟且之言耳不足論也士之謀身至此亦可悲也夫

張華論

東溪先生

東溪先生曰賈后宣淫于朝至以帳車載外人以入宮禁豈有配天體母天下而醜行若是者張華伺察其事白事帝而廢之何所不可當是之時賈模啓端於上劉卞密謀於下華短於權譎反畏權戚滿朝不能從二人之言卒畏禍而卒及孫秀之權設使華謀正朝廷清君側力不足而身死猶不失爲正人烈士而乃就祿畏死以及於難馬道旣迫卒無以答張林之詰愧矣哉以華之博物洽聞使之雍容廟堂處謀謨可也奈何履多難之世以臨天下之大節而欲責之以無撓可得乎

王濬論

吳賢良

先王之用其臣其未任也必欲知其才其將任也必欲知其心

其已任也必欲知其功蓋不知其才則無以舉天下之能不知其心則無以成天下之勲不知其功則無以勸天下之善且先王之用人拔之於寒微之中升之於國厄之間號尊顯而服冠冕去高亢而踐廊廟授之以顯職而不疑處之以高位而不忘此所以知其才塞謗間之口以使之無憂過譽虛之言以使之無懼不責之以苛禮不拘之以密憲縱其鞭策以觀其馳逐之能緩其羈縻以觀其擊搏之力此所以知其心腴田畝弟惟以與之而不吝歌娘舞女惟以賜之而不惜擁其親戚而使之無傾危之憂厚其子孫而使之無絕滅之患勢傾海內而朝不忌威震人主而時不嫉此所以知其功夫素之任王猛可謂知其才蜀之任諸葛亮可謂知其心漢之任蕭何可謂知其功矣然則古之君臣其所以相得如是藻之樂康寧輟睦優游悅豫而休列偉績相與傳於無窮而後世之所莫及者以是而已昔者晉武帝黜朝廷約紘之議而委王濬以東南之事何其壯也及

王濬獨破建鄴而卒見排於權勢以不能自明者豈武帝有所  
不能知其功歟夫南方之所以能拒捍於人者不獨在於據其  
長江也而在於倚蜀以蔽其偏北人之所以能追逐於南方者  
不獨在於奪其長江也而在於連蜀以襲其右蓋蜀附於南則  
南方勝而使南方失蜀則有西顧之憂而不足以恃舟楫之能  
蜀附於北則北人勝而使北人失蜀則有西守之勞而不足以  
逞其車騎之力然則蜀者雖非用武之地而乃南北相抗之形  
要也昔楚之衰也蓋秦已得蜀昇故以白起之志而有黔中之  
功以王翦之微而有勦南之捷吳之盛也蓋魏未得蜀是故以  
曹操之智而有赤壁之奔以司馬昭之謀而有東關之敗此固  
非秦勇而魏怯楚弱而吳強蓋秦已得蜀而楚之所備者多魏  
未得蜀而吳之所備者少故也戰國策曰蜀中之甲輕舟浮于  
汶乘夏水而下江五日而至郢漢中之甲輕舟出於巴乘夏水  
而下漢四日而至五渚此亦言蜀之於天下據江漢之上流而

其勢便且易也昔晉之討孫皓也王渾出橫江以攻其東而王  
濬自成都以攻其西然而吳之所以深慮者固亦不在於渾而  
在於濬何者兵出於東者自捷之患而兵出於西者肘腋之憂  
也夫目捷之患猶可以救解而肘腋之憂不暇於設施此自然  
之勢也是以孫皓之大臣亦莫以蜀師爲憂我曹叅欲增建平  
之兵而陸抗欲益西陵之備此其意亦可見矣由此觀之則孫  
皓存亡之權在濬而不在渾者其理豈不甚明歟夫當此之時  
使曹未能摧其西藩徘徊而不得進孫氏之君臣因以并力合  
勢堅守江浙以拒中國之師則江東諸城不可以歲月下也惜  
乎武帝不慮於此而卒使癯瘠憔悴之功臣困於讒慝之黨而  
不能震以沮天下英雄之士而傷其心悲哉

阮籍

東坡先生

世之所謂君子者惟法是修惟禮是克手執圭璧足履繩墨行  
欲爲目則檢言欲爲無窮則少稱鄉黨長聞鄰國上欲圖三公

下不失九州牧獨不見夫群臣之處禪中乎此乎深雖匿乎敗  
絮自以爲吉宅也行不敢離縫際動不敢出渾襠自以爲得絕  
墨也然炎丘火流焦邑滅郡群臣處於禪中不能出也君子之  
處域內何異夫虱之處禪中乎此阮籍之曾懷本趣也籍未嘗  
臧否人物口不及世事然舊法之士疾之如讎獨賴司馬景王  
保持之爾其去死無幾以此論之亦虱之出入往來於衣禪中  
間者也安能笑禪中之藏乎吾故書之以爲將來君子一笑

阮籍

谿堂先生

善觀人者觀其心不觀其迹蓋觀其迹之所已爲可以逆死其  
心之所未爲如此者可謂善觀人矣阮籍負英雄之才生非其  
時陸沉於俗而世之論者遂以爲放曠不羈之流而禮法之士  
至於着談之豈不過哉當其沉酣於酒勸昵万物泊然不以世  
務搜心若無志於天下者至於觀楚漢戰場喟然嘆息以謂時  
無英雄使稚子成名其志蓋宏遠矣雖口不臧否人物然青眼

視私康曰眼視私喜是未嘗無意於人物也雖居喪飲酒食肉然每慟哭輒嘔血數斗是未嘗無哀戚之情也以至文帝欲求婚鍾會欲詢以時事而致之罪皆以酣暝獲免則又察微見遠其志有足多也魏晉之交王室不競強臣跋扈殺戮大臣如封羊刺豕無所顧憚一時名士朝不謀夕如寢處平頽垣敗屋之下岌岌然將恐壓焉故張華衛瓘以清直死向秀私康以高節死王衍王澄以清談死陸機陸雲以俊才死藉於是特儻不自混於酒蘄然出其頭角則死於強臣之手也必矣孟子曰伯夷聖之清者也柳下惠聖之和者也又曰伯夷隘柳下惠不恭清非期於隘而其弊必至於隘和非期於不恭而其弊必至於不恭謂藉不仕耶未嘗隱居於山林清不足以名之也謂藉仕耶未嘗俯已以同流俗和不足以名之也非清非和庶幾於夷惠之間乎莊子謂曲轅之櫟以不材得終其天年故杜託之以神其拙若藉者得非託之於酒以神其拙耶

正衍論

顧濱先生

聖人之所以御物者三道一也禮二也刑三也易曰形而上者謂之道形而下者謂之器禮與刑皆器也孔子生於周末內與門弟子言外與諸侯大夫三言及於道者蓋寡也非不能言謂道之不可以輕授人也蓋嘗言之矣曰參乎吾道一以貫之夫道以無爲體而入於群有在仁而非仁在義而非義在禮而非禮在智而非智惟其非形器也故目不可以視而耳不可以聽而知惟君子得之於心以之御物應變無窮而不失其正則所謂時中也小人不知而竊其名與物相遇輒捐理而徇欲則所謂無忌憚也故孔子不以道語人其所以語人者必以禮禮者器也而孔子必以教人非吝之也蓋曰君子上達小人不達君子由禮以達其道小人由禮以達其器由禮以達其道則自得而不敗由禮以達其器則有守而不狂此孔子所以寡言道而言禮也若其下者視之以禮而不格然後待之以刑辟三者

兵而聖人之所以御物者盡矣三代已遠漢之儒者雖不聞道而猶能守禮法在朝廷則危言在鄉黨則危行皆不失其正至魏武始好法術而天下貴刑名魏文始慕通達而天下賤守節相乘不已而虛無放蕩之論盈於朝野何晏鄒賜導其源阮籍父子漲其流而王衍兄弟卒以亂天下要其終皆以濟邪佞成湍欲惡禮法之繩其藪也故蔑弃禮法而以道自命天下之小人便之君臣奢縱於上男女淫佚於下風俗太壞至於中原為墟而不悟王導謝安江東之賢臣也王導導禮於成帝而不知懼謝安作樂於暮喪而不受教則廢禮慕道之俗然矣東晉以來天下學者分為南北南方簡約得其精華北方深廣窮其枝葉至唐始以義疏通南北之異雖未聞聖人之大道而形器之說備矣上自郊廟朝廷之儀下至冠昏喪祭之法何所不取於此然以其不言道也故學者小之於是捨之而求道於冥冥而不可得也則至於禮樂度數之間字書形聲之際無不指以為



道之極然友而察其所以施之於世者內則謹諛以求進外則  
聚斂以求售廢端良聚苟合杜忠言之門關邪說之路而皆以  
詩書文飾其偽要之與王行無異嗚呼世無孔孟使楊墨塞路  
而莫之闢吾則罪人爾矣

祖述論

穎濱先生

敵國相圖必審於彼己將強敵弱則利於進取將弱敵強則利  
於自守違此二者而求成功難矣東晉渡江以江淮為境中原  
雖屢有變而南兵不出山亦無功皆夷狄自相屠滅而已石勒  
之死也庾亮為北伐之計石虎之老也庾翼為從鎮之役皆無  
成而死及苻堅之敗謝安父子乘戰勝之威有席卷之意終以  
兵將無遺無尺寸之得其後宋文自謂富強以兵挑元魏梁武  
志於并吞失信於高氏陳宣乘高氏之衰攘取淮南皆繼之以  
敗主何者東南地薄土脆將非命世之雄其勢固如此地方石  
虎之斃中原大亂晉人皆謂北方不足復平而蔡謨獨以為憂

或問其故謨曰夫能順天奉時濟六合於草莽若非上哲必當  
英豪庶幾諸人皆不辨此必將經營分裂疲人以逞其才副意  
徒使財殫力竭終將何所至哉吾見韓盧東郭俱弊而巳矣至  
哉此言寔當持好事者之病也自江南建國桓溫東討慕容  
西征符堅兵鋒所及敵人震動及宋武破廣固陷長安所至蕩  
定有平伐之風凡二人者誠非常將也然桓溫終以敗衄不能  
成大功宋武志在禪代未能定秦狼狽而返而況其下者乎  
惟晉元帝初定江南未遑北伐遂遂言於帝曰晉室之亂非上  
無道而下怨叛也由諸王爭權自相誅滅遂使夷狄乘釁毒流  
中原耳今遺黎旣被殘酷人有奮擊之志誠能奮威命將使若  
汝等爲之統主郡國豪傑必有應者沉溺之士喜於來蘇庶幾  
國恥可雪也帝以汝爲豫州刺史使進屯淮陰汝兵力甚弱乃  
鑄造兵器招合離散稍誅鉏叛煥後進據譙然未嘗爲深入計  
也石勒遣兵攻汝汝就破其衆每於兵間勸身節用禮下賢後

懷撫初附車以恩信接人不尚詐力故人爭爲之用自黃河以  
南盡爲晉土雖石勒之強不敢以兵窺其境遼西慕容成羣勸使  
人修其墓復遣人通好且求互市遼不答其使而許其分二而通  
南北之貨多獲其利方將經略河北而帝使戴若思擁節直據  
其上遼怏怏不得志死蓋敵強將弱能知自守之爲利者惟遼  
一人夫惟知自守之爲進取而後可以言進取也哉

新刊一國朝二百家名賢文粹卷第十四

論著

聖道一

論神

蒲左丞

天下之功曰示有不能以類形者也然而於莫之能形無以類  
矣彼功用之及乎物者孰非道哉道之不可見而其可見者著  
於物則爲德舉天下之德雖至於已崇已大已精已微已深已  
遠已簡已易已顯已成而猶有可以形之者也是故已崇矣卑  
有以形之已大矣小有以形之已精矣粗有以形之已微矣著  
有以形之已深矣淺有以形之已遠矣近有以形之已簡矣繁  
有以形之已易矣險有以形之已顯矣晦有以形之已成矣虧  
有以形之惟功用之可以形則猶未離乎形器也若夫陶鑄天  
下之功用而莫之能形糶糠天下之事業而出乎万物之上者  
其惟神之所爲乎是故神也者藏之而非無也顯之而非有也

未嘗爲巧而万物自彫刻也未嘗爲暴而万物自整戾也獨往  
獨來乎天地之內外而未嘗有所行也獨生獨殺乎万物之終  
始而未嘗有所作也於天則見乎万物之所以成於人則見乎  
萬物之所以治無所不爲而莫知所以爲之其爲道之妙而莫  
之能名也則曰神而已矣蓋道之於萬物也賅之以陰陽而妙  
之以神者也獨陰不生獨陽不成由一物之細以至於天地之  
大未有不由陰陽以生成雖然其生也其成也莫非出於道也  
道未嘗有爲則孰尚之生而孰尚之成哉知有以然而不知其  
所以然則豈非道之妙者耶由其賅言之故曰一陰一陽之謂  
道由其妙言之故曰陰陽不測之謂神天地設位而易行乎其  
中聖人擬天地而參諸身則神者聖人之所以參天地而易者  
聖人之所以窮神者也夫天地之道一闢一闔一明一晦一寒  
一暑一生一殺而至於宇宙之內坎塤之外雖幽崖之草木深  
潛之巨蟲莫不隨之而況其著者乎易曰帝出乎震齊乎巽相

見乎商致役乎坤說言乎兌戰乎乾勞乎坎成言乎艮其於方  
物亦然帝則言乎時物則言乎方有其時矣則時不可以相易  
有其方矣則方不可以相亂若夫雷之動風之橈火之燥澤之  
說水之潤艮之終則變化推移於四時四方之中至於万物既  
成而不知所以成之端者必曰妙万物而為言者也天生之地  
成之聖人治之無聖人之治則天地之道或幾乎息是故昔之  
聖人教之以畝漁作之以耒耜居之以宮室濟之以舟楫利之  
以杵臼威之以弧矢察之以書數此皆物窮則變變則通立成  
器以為天下利而天下之民出入咸用而不知其自來此民之  
所以樂推而不厭也若夫無思也無為也寂然不動感而遂通  
天下之故範圍天地之化而不過曲成萬物而不遺仁者見之  
謂之仁智者見之謂之智百姓日用而不知顯諸仁藏諸用鼓  
万物而不為聖人同憂者此聖人之所以治万物而參諸天地  
者也觀乎天地則見聖人則聖人果不足以矣天地耶然則能

參天地者其惟聖人之神乎

論誠

同前

人之所以受於天者皆有善之端而其智卒不能充而益之者其患始於不孝不思而無所得雖有善端不知其所謂善者而擇之則其在我者明已有所不足而安可以望於誠哉雖然人之所知者有得之於性有得之於孝若夫所得之者則一而已而其得於心而中於理者不能無難易遲速之辨此誠者為誠之者之所以異也是故有天道有人道無所為而能極之者天道也有所為而能極之者人道也天有生知之性則天道固以是能盡矣苟無其性而有其孝果未足以至於天道耶則曰眾人積善可以至於賢賢人積善可以至於聖勉其有所為而卒至於無所為何為而不可乎惟其孝之而不博思之而不審辨之而不明行之而不篤終身由之而不足以信其己此其所以能至之者寡也夫誠也者德誠乎已而億萬物之謂也凡人

之情以小善為無益而弗為也不知誠之為道雖甚大而成於小善之所積苟曰善雖小皆吾性之所自有而又人情之所可欲者則於吾何所不為蓋其自知者甚明自信者甚篤自脩者甚固則若性命肌膚之不可易也夫然後可以至於誠相在尔室尚不愧於屋漏所信於人之所不可見者如此則昭昭然存乎人之耳目者夫安得不信哉則不期乎人之信而人已信之矣天之高地之厚凡生之類苟有之者莫不信之則天下謂之至德豈有以異於此雖然吾之德既已成而物既已信之矣而未有以加於物苟為已而不及於物則物之生也奚賴於聖人哉夫率天下之萬物可謂至衆而為聖人者豈勝算然以物物為事哉如必待有為而後能成則吾之功用有不勝勞而事業有不勝繁者矣故曰不見而彰不動而變無為而成者此其万物之所成終而所成始也或曰至誠之所以能參天地者何如曰其神矣乎夫誠則形形則著著則明此其充實而有光輝之謂



也明則動動則變變則化此其大而化之之謂也可以贊天地之化育可以與天地參此其聖而不可知之謂也蓋誠也者以德言也德也者以道言也苟不至德至道不疑焉此至誠之所以能配天地而成乎道也哉

自明

終南先生

懷其道思其時聖人之志欤夫聖人者懼道不明志不堅乃退幸於山林寂寞之鄉以求其志志既獲則幸專乎心心志俱達幸而益堅其道不得不明心志道俱達則能堅正明白雖萬是非皆能斷於心矣故志弗堅則閉關以治志既治而道未明則就聖賢以治道志為道階治則求於時施其用以濟生民焉若天子治於洙泗求其志適乎宋如平周治其道乃游諸天下欲施其用卒將不能則有刪詩演易脩春秋存其教噫予不敢希聖人意始用古文如京師十二有有名者竟寂寞無聞人不我知友予舊者或喻我易其幸以泛濫為是乎思之豈古人求志

篤道之意耶乃還終南居空山庶幾治予道求予志非徒樂乎  
晦跡山林遠去人跡而与鳥獸同群木石為伴也慮議者以我  
為放逸傲執乃假聖人自明亦將明於有友人也

禮義信足以成德論

東坡先生

有大人之事有小人之事愈大則身愈逸而責愈重愈小則身  
愈勞而責愈輕綦大而至天子綦小而至農夫各有其分不可  
亂也責重者不可以不逸不逸則無以任天下之重責輕不可  
以不勞不勞則無以逸夫責重者二者譬如心之思慮於內而  
手足之動作步趨於外也是故不耕而食不蚕而衣君子不為  
愧者所職大也自堯舜已來未之有改後世享襄而道散諸子  
之智不足以見其大而切見其小者之一偏以為有國者皆當  
悉衣糲食與農夫並耕而治一人之身而自為百工蓋孔子之  
時則有是說矣夫樊遲親受業於聖人而猶惑於是說是以區  
區焉欲孳稼於孔子孔子知其禍之將蔓延於天下也故極言其

大而深折其辭以為上好禮則民莫敢不恭上好義則民莫敢不服一好信則民莫敢不用情夫如是則四方之民襁負其子而至矣安用稼而解者以為禮義而信足以成德夫樊遲之所為汲汲於稼稼者何也是非以穀食不足而民有苟且之心以慢其上為憂乎是非以人君獨享其安榮而使民勞苦獨賢為憂乎是非以人君不身親之則空言不足勸課百姓為憂乎是三憂者皆世俗之私憂過計也君子以禮治天下之分使尊者習為尊卑者安為卑則夫民之慢上者非所憂也君子以義處天下之宜使祿之一國者不自以為多抱關擊柝者不自以為寡則夫民之勞苦獨賢者又非所憂也君子以信一天下之威使作於中者必形於外信其名者必得其實則夫空言不足以勸課者又非所憂也此三者足以成德矣故曰三憂者皆世俗之私憂過計也

周禮凡所以教民之具既廢而戰攻侵伐之役交橫於天下民  
弃其本而爭事於末當時之君子思救其弊而求之太迫導之  
無術故樊遲請孝為稼又欲為圃而孔子從而譏之曰小人哉  
樊遲也上好禮則民莫敢不肅上好義則民莫敢不服上好信  
則民莫敢不用情夫如是四方之民襁負其子而至矣焉用稼  
釋之曰礼義与信足以成德又焉用稼哉嗟夫仁人之言其始  
常若迂闊而不可行然要其終其取利多而卒以無弊者終莫  
能易其說盖孔子之於衛常欲正名而子路笑之矣冉子之於  
魯常欲徹而魯君非之矣何則則衛之乱若非正名之所能安而  
而魯之饑若非徹之所能救然而欲天下無饑而乱則非此二  
者莫之能濟故夫欲取其利而取之於遠則取利多而民不知  
欲圖其事而圖之於深則事有漸而後無弊矣夫樊遲欲為稼  
圃以富民而孔子答之以禮義信也天下疑之而愚以為不然  
若觀於孟子而求其所以辨許行之說則夫農圃之利乃有可

以禮義取而可以信致之道何者許子欲君臣並耕饗養而治此豈非樊子之所願幸者哉而孟子答之以堯舜無所用心於耕稼堯以不得舜為憂舜以不得禹為憂堯舜得禹而礼義流行忠信洋溢則天下之民將以不勸之耕而自為耕不督之圃而自為圃而何致於身服農圃之勞而憂農圃之憂哉且夫欲勸天下之農而致於親為之者亦足以見其無術矣古之聖人其御天下也禮行而民恭則役使如意義行而民服則勞苦而不怨信行而民用情則上下相知而教化易行三德既成則民可使蹈白刃而無怨况農圃之事哉故夫欲致其功而形之於遠則功可成欲力其事而為之於近則百弊起如君子小人而皆從事於農則夫天下之民又誰使治之哉

絕德論上

丞相趙公

天下知執中以徇道而不知夫反中以合道其見蓋亦小矣今夫蹇蹇焉以忠怡怡焉而孝必焉而為信介焉而為廉此固賢

人君子之所常行而中智以下皆可勉強而幾及焉者也安行於繩糾尺度之中夫豈不善一旦使之辦大事臨大變而欲責非常之功未有不裂膽喪魄而失其故守者也是何也道不足以自信於心氣不足以取信於人其中之所挾者小也所挾者小則亦無恆乎其能執而不反也孟子曰執中為近執中無權猶勌一也夫中固近道矣行之而執往往扞格而不通聖人於是用其權焉故曰君子而時中夫時中者有所不中而歸于中之謂也有所不中而歸於中是故謂之權聖人所以大過人者要它亦權焉而已矣而孝者不知出此以為聖人者不敢獨行高世循循焉為衆人之所為斯以為中庸焉尔誠如是也則聖人者何貴於用權苟不知所以用權則所謂大事大變者如之何而應之故夫執中徇道者賢人君子之所常行而反中合道者聖人之絕德而非世俗之所可希望也古之聖人其挾於中者大則見於用者博乎居無事抑高晦明而不敢盡其有餘則望

然中庸之無難也無何事發於非常變起於弗圖賢人君子之所  
裂膽喪魄而不敢迫視者聖人則逡巡談笑出身以扞之履危  
機犯逆節一切冒行而不顧功成事定薄天地而絕古今前焉  
而無後焉而不可繼然天下不以為駭異而聖人亦居之而不  
疑嗟夫此固非勉強力行泛泛然嘗試以僥倖其或成者也其  
挾於中者素定矣是以為之而無不成如種之必生而炊之必  
熟眾人見其不可能而聖人以為是固當然者雖然聖人至此  
亦非苟違中庸而求高於世也事變至而權用焉中而能權所  
謂反而合道也故昔者舜禹匹夫而代堯舜揚武諸侯而翦夏  
商伊尹巨也而廢其君周公弟也而誅其兄孔子羈旅人也作  
春秋以黜陟當世之君大夫此五者皆履危機而犯逆節者也  
前乎此者未嘗有如此之事也天下之人耳不習聞目不習見  
意必有驚怪而却走者矣而聖人斷然行之予無難色及乎堯  
舜禪万邦入桀紂夷天下安太甲廢暗道樂管蔡誅周室寧秦

秋作亂臣賊子懼然後天下靡然而歸翕然而一詞曰此固聖  
人之所謂絕德也反而後合殊而同歸其中必有大過人者矣  
豈若小丈夫然蹈繩紆履尺度循循然為衆人之所為而已乎  
夫惟辦大事臨大變而後可以觀聖人用中之權中而能達而  
後可以為絕德此非有法可傳於後者也非常之功惟聖人能  
之自非聖人則莫若蹈繩紆尺度以承算過二者亦審於已知  
而已非其人而欲求非常之功此猶童孺病羸而責之以爲獲  
之千鈞力不能勝無不顛沛而隕越也古之神醫有所謂倉氏  
扁氏者其術蓋得於天而會於心者也故其理病有辨腹胃利  
肌骨之變此豈有法可傳也哉今無其術而欲試其方其規操  
刀殺人相去不能以寸倉扁者萬世之絕技也聖人者萬世之  
絕德也不可為也為之則禍矣故受禪在舜禹為仁在後世為  
篡其君征伐在湯武為義在後世為弑其君太甲之廢在伊尹  
為虐後世用之則不自管蔡之誅在周公為公後世用之則不



弟春秋之作在夫子為大公至正後世用之則僭亂而不可訓  
且後世禪代伐國廢君賊兄而夫僭聖作經而妄意褒貶者總  
總矣要其歸未有不滅身覆宗而為天下笑者也彼其見聖人  
有如是之事也故藉口以濟其姦所謂矜冀圓而擬質隋珠者  
乎夫聖人固有所挾焉而後敢為彼區區者何所挾哉然則聖人  
之所挾者何也則吾所謂至道也至道默用則內足以自信於  
心外足以取信於人御物應變施無不可故雖履危機犯逆節  
而天下必謂之權謂之時中謂之絕德而不敢踰故夫絕德者  
至道之用也非至道而求為絕德者禍矣

絕德論下

同前

書曰朕聖讒說殄行殄行者何行之不可承繼者也君子之制  
行為可承可繼而已凡行不可承繼者皆殄行也古之所聖也  
而聖人亦有所謂絕德者德而至於絕蓋亦不可承繼矣苟為  
不可承繼則聖人之德無適殄乎白否非此之謂也言時於常

訓行悖於常理而務為新奇迂怪以駭惑天下後世之人夫是之謂殄行王制所謂作奇技奇器以疑衆殺是也禮之所殺書之所聖其義一也若夫聖人豈亦斯人之徒歟平居无事言有常訓行有常理中庸較易之教雖夫婦之愚可以尚行而何殄之有天下不幸有非常之變而權用焉夫權豈聖人之得已哉朱均不肖謳訟不歸非常也紂流毒斷喪生靈非常也大甲不君湯緒幾傾非常也管蔡流言其間王室非常也晚周失政天下無王非常也五變者皆非常也惟其變之非常而不可以道制也於是反中而用其權豈聖人故為斬絕使後世不可承繼如古之所謂殄行者乎使朱均不至下愚則舜禹不受禪紂紂不至囚毒則湯武不加兵太甲粗可告語則伊尹不廢管蔡未至叛道則周公不誅周道未至掃地則孔子不作春秋故曰權者非聖人之得已也夫不得已者聖人所以憫時而救亂也非以為法於後世也以非常之事應一非常之變變息事定克

成厥功天下從而尊信之如神之幽如天之不可外如日月之不可踰前焉而無後焉而不可繼斯以為絕德而已故無是變者聖人不為是事也或曰後世有如是之變則權可行乎曰有其變有其人人而變相值則何為不可雖然無舜禹湯武伊周孔子之道而欲用其權則篡也弑也不目也不弟也僭亂而不可訓也故夫絕德者聖人所謂獨能而非以為法也然則聖人不可法歟曰何故不可聖人之為法於天下後世者皆是矣不必吾士也詩書禮樂以為教刑賞號令以為政君目上下一以為分父子兄弟以為親宮室以為居飲食以為養天下所日用萬世所通行無非舜禹湯武伊周孔子之道也法聖人者法此焉可也絕德者一時不得已之權耳聖人不曰以此垂法於天下後世天下後世亦何必此之法哉倉扁雖不能而天下之醫亦無出倉扁之外何也砭劑藥石之功察脉觀色之狀方書具焉醫者日用而通行皆倉扁之教也至於漸腸

曾刳肌膚此二者倉扁行之為理病非倉扁行之為殺人夫人  
固有獨能焉孝倉扁者盡亦損斯二者欲絕德之不可繼亦猶  
是也故夫法至人者自五事之外皆可也一不量力則流為篡  
殺潛亂之人可不畏哉柳下惠嫗不逮門之女而人不以為淫  
魯男子曰柳下惠則可吾則不可孔子聞之曰善孝柳下惠者未有若  
此人者也孝至人者如孝下惠則善矣天下惠且不可輕孝而况  
堯舜禹湯武伊周孔子之盛乎

謹權論

孫文懿公

權之難言也久矣孔子曰可與適道未可與立可與立未可與  
權先儒注解者循守章句故後人有增繹是訓而為反經反常  
之說作謹權論以救之聖人之所謂道者利民惠國而言之也  
其教父子兄弟夫婦君臣長幼朋友賓客各其政飲食衣服事為  
異別度量數制其礼冠婚喪祭鄉射相見民安而易循樂而易  
行處之而不疑肅之而不擾苟反則折言破律乱名改作執尤

道以疑衆在典刑不赦所謂權者依道而言之也七教弊八政  
傾人孔潰聖人於是動以救溺然則酌變者時也適時者法也  
變而不時斯悖矣時而不法斯亂矣湯有南巢之戰武有牧野  
之誓伊尹放太甲周公攝成王皆時所俟俟也法所資成也德  
稔于夫而天授功偉乎民而民與許之而不可違之而弗得然  
後力造焉弊者錯而更張傾者正而復行潰者塞而再流向若  
廉以引退則時際於暴殄吾未見其能為湯武讓以自守則法  
淪於荒幻吾未見其能為伊周是四聖之權始子後而諛諛而  
賈和之其始也未嘗不伊不周其終則施天理戕國維且假聖  
人權變之義以自給時從而塗炭法從而委地陵夷不返使羯  
胡蹂躪十六國錯峙於九土者殆斯言有以啓其釁乎故曰依  
道而變權也悖道而變偽也非聖賢則大亂之術前所謂可與  
立未可與權難之之辭也可不謹歟

仁智

臨川先生

仁者聖之次也智者仁之次也未有仁而不智者也未有智而不仁者也然則何智仁之別哉以其所以得仁者異也仁吾所有也臨行而不思臨言而不擇發之於事而無不當於仁也此仁者之事也仁吾所未有也吾能知其為仁也臨行而思臨言而擇發之於事而無不當仁也此智者之事也其所以得仁則異矣及其為仁則一也孔子曰仁者靜智者動何也曰譬公有一賈也一則既富矣一則知富之術而未富也既富者雖焚舟折車無事於賈可也知富之術而未富者則不得無事也此仁智之所以異其動靜也吾之仁足以上格乎天下決乎草木旁溢乎四夷而吾之用不匱也然則吾何求哉此仁者之所以能靜也吾之知欲以上格乎天下決乎草木旁溢乎四夷而吾之用有時而匱也然則吾可以無求乎此智者之所以必動也故曰仁者樂山智者樂水山者靜而利物者也水者動而利物者也其動靜則異其利物則同矣曰仁者壽智者樂然則仁者不

樂智者不壽乎曰智者非不壽不若仁者之壽也仁者非不樂  
樂不足以盡仁者之盛也能盡仁之道則聖人矣然不曰仁而  
目之以聖者言其化也蓋能盡仁道則能化矣如不能化吾未  
見其能盡仁道也顏回次孔子者也而孔子稱之曰三月不違  
仁而已然則能盡仁道者非若孔子者誰乎

正仁

齊為子

仁之為道也大矣其為言也難矣仲由冉求公西赤孔門之高  
弟者也仲尼曰不知其仁所許者可使理其賦而已矣可使為  
賓客言而已矣可使為之宰而已矣今尹子文三仕為令尹無  
喜色三已之無愠色崔子弑齊君陳文子有馬十乘弃而違之  
其為德也大矣仲尼亦不曰仁止曰忠也而已矣曰清也而已  
矣則仁之為道也不亦大矣乎子罕言利而命尚仁又曰仁者  
其言也訥則仁之為言也不亦難矣乎春秋魯宣公四年鄭大  
夫子公為子家謀弑靈八子家曰莫獨憚殺之而况君乎及

諸子家子家懼而從之夏弑靈公孔子書於春秋曰鄭公子歸

生弑其君夷

子家是歸

則弑君之罪昭昭矣而左氏謂子家仁

而不武無能達也嗚呼所謂仁者果何耶夫仲由冉求公西赤  
今尹子文陳文子其為賢也至矣仲尼尚不安之於仁左氏嗣  
筆削之法而以弑君之賊為仁其於聖人也不亦異乎謂初稱  
畜老仁也且君之於臣父也烏有欲害其父而子不能制乃曰  
畜老猶憚殺之求之於子得為孝乎求之於臣得為忠乎苟万  
一有近於仁也亦宜刊而斥之足以見良吏垂世立教之法也  
況子家於仁遠矣安可借寇兵而資盜糧乎孔子曰父也父名  
左氏謂之權不足則可也謂之仁而不武則失正名之義也

論仁

左丞蒲公

為仁非難而能盡其力為難盡力非難而能盡其性為難夫惟  
不能盡其力而盡其性也是以為難知而難能也不知其智之  
有所不足才之有所不盡則其蔽在於守古人一偏之說卒不



能達其意而有以及是也且記有之仁之爲器重其爲道也遠  
舉者莫能勝行者莫能至也則曰甚矣仁之難能也孔子曰仁  
者愛人又曰克己復禮爲仁則仁不止於愛人揚子曰自愛仁  
之至而孔子曰無求生以害仁有殺身以成仁則仁不止於自  
愛孔子曰汎愛衆而親仁孟子曰兼愛是無父也則仁不止於  
汎愛孟子曰親親仁也而孔子曰博施於民而能濟衆則仁不  
止於親親以爲仁之難乎則我欲仁斯仁至矣仁果難哉以爲  
仁之易乎則爲之難言之得無訥乎仁果易哉由此言之則曰  
甚矣仁之難知也夫爲仁固多術矣胡不循諸理而求之求之  
有道不離其質而美之不強其難而使之者皆聖人之所謂仁  
也夫出門而如見大賓使民如承大祭不過乎恭而已也已所  
不欲勿施於人不過乎恕而已也事其大夫之賢友其士之仁  
不過乎友賢而已夫恭也恕也友賢也豈人之難行而有所強  
於性也哉然而皆得以謂之仁者以爲出於吾性之所固有而

所謂善者也其善雖止於一端能推而行之皆可以為成己之道此其所以謂之仁也剛毅木訥是人之所易也而孔子以為近仁克伐怨欲不行是人之所難而孔子以謂仁則吾不知推此以求孔子謂仁之意皆若是而已矣故曰不離其質而美之不離其難而使之者皆聖人之所謂仁也雖然仁有小大凡此者蓋君子之所以治人者也可以名仁而非仁之誠名也若是近以所諸身遠以措諸物行之於父子達之於君且裁之以義而成就之立之以礼而節之至於出處語默進退去就夭壽生死無所處而不為仁而於天下之萬物蓋已無足以累吾之心矣凡此者蓋君子之所以立道者也雖然猶未大也以吾之仁推而達之天下斯可矣以所愛及所不愛以所不忍達之於所忍不獨仁其身所有以仁天下之民而無所擇也是故居則安士敦乎仁而動則博施於民而能濟眾仁也至此而其用極矣雖聖人亦何以加於此乎嗚呼仁之為道一而所以為之者固

多術矣苟知仁之有小大以教於人則幸天下之中人皆能有以及之如其舍聖人之意而務為高遠難知之論私植其說以取勝於世而其卒莫之能行故老莊墨翟所以得罪於聖人之徒也以此哉

克己復禮為仁說

橫浦先生

非大聖則不能名仁非大賢則不能當聖人之論仁惟聖人行仁之必故知仁之深眇而昌言之無疑焉矣不至於大賢則其問也不切而聖人之告之也亦姑因其材而成就之耳至於仁之正弊則不以告也非不告也以其未足以當之也明乎此則孔子之告顏子曰克己復禮為仁其有在矣孔氏之明惟仁為極致三千之眾惟顏子為獨高故顏子之問仁異乎諸子之問仁孔子之對顏子異乎平居之對二三子學者不可不盡心也且子貢問仁不過曰己欲立而立人已欲達而達人耳樊遲問仁不過曰居處恭執事敬與人忠顏子張問仁不過曰恭寬信

敏惠耳曾未若對顏子之異也世之論仁者見樊遲問仁孔子對之曰愛人乃擇之不精乃語之不詳如莊周者有見於此則昌言於天下曰愛人利物之謂仁如韓愈者有見於此則昌言於天下曰博愛之謂仁而不知愛特仁之一端而已愛豈足以盡仁乎後之士見莊周之說韓愈之說以謂誠合乎孔子之意也乃見詩乃見書乃見易乃見禮樂之談仁者而通以一言該之曰愛烏乎仁誠謂愛乎已欲立愛乎已欲達愛乎居處恭執事敬與人忠愛乎恭寬信敏惠愛乎此特攷之不審極之不深且以愛自欺而已惡足以知仁乎至於孔門諸子之論仁如子夏之論則曰博孝而篤志切問而近思烏乎誠如子夏之說果愛也耶又如孟子之論仁則曰貴德尊士賢者在位能者在職烏乎誠如孟子之說果愛也耶知愛不足以盡仁則我之偏見消而正理明矣正理明則孔子告顏子以克己復禮為仁可得而論也夫天下無一物之非理亦無一物之非仁有已則理

暗無已則理明已者何也人欲也理者何也天理也滅天理窮  
人欲何由而得仁滅人欲盡天理於是乃為仁克已也者滅人  
欲者也已何自而克人欲何自而滅乎本乎孝而已矣其孝安  
在曰禮而已矣非禮勿視視皆理也非禮勿聽二皆理也非禮  
勿言非禮勿動言動皆理也夫視以禮聽以禮言動以禮視聽  
言動一循乎夫理之中則人欲滅矣也私克矣天理明矣天下  
皆歸於仁矣克已復禮此仁之正躰也以此通乎子貢之說已  
欲立已欲達果仁矣以此通乎樊遲之說居處恭執事敬與人  
忠果仁矣以此通乎子張之說恭寬信敏果仁矣以至通乎  
夏之說博孝篤忠切問近思非仁而何通孟子之說貴德尊王  
賢者能者在位在職非仁而何又泛而入乎樊遲愛人之說莊  
周愛人之說韓愈博愛之說乃深知其為仁之一端耳是克已  
復禮之說是仁之正躰也非孔子孰能言之非顏子孰能當之  
哉此乃孔氏心傳之要大事之宗學者不可忽也且孔門弟子

三千人一旦魯哀公季康子問弟子孰為好孝夫子於三子人  
漠然無稱焉獨曰有顏回者好孝焉乎二三子不遠千里來造  
函文掘衣而請負牆而立果為何事乎乃不得以好孝稱其亦  
可悲也已攷其所孝如後世傳物洽聞無有也又如後世絺句  
綌章無有也特曰不迂怒不貳過而已愚深思而熟究乃知夫  
不遷怒者克己也不貳過者克己也私欲已克人欲已滅天理  
著焉夫子乃曰回也其心三月不違仁乃知其所以不違仁者  
果自克己復禮而得之也顏惟顏子之見仁置之則植乎天地  
溥之則橫乎四海施諸後世而無朝夕推而放諸東海而準推  
而放諸南海而準推而放諸西海而準推而放諸北海而準天  
下無一物之非理亦無一物之非仁理當如是也烏乎仁無古  
今也亦無東西南北也顏克己者得之耳使孝者無志於聖人  
則已如有志於聖人惡得不信孔子之言使孝者無志於仁則  
已如有志於仁亦惡得不行克己復禮之說乃知夫未克己以

前其視聽言動皆私欲也既克己以後其視聽言動皆是天理也  
則於顏子之心庶幾乎得之孔氏之闡域亦可疾趨而進也其  
勉之哉

新刊 國朝一百家名賢文粹卷第十四

新刊 國朝二百名家文粹卷第十五

論著

聖道二

仁說

東坡先生

孟子曰仁者如射發而不中反求諸身吾嘗孝射矣始也常志於中目存乎鹄手往從之十發而九失其一中者幸矣有善射者教吾友求諸身手持權衡足蹈規矩四肢百骸皆有法焉一法不修一疾隨之病盡而法完則心不期中目不存鹄十發之中矣四肢百骸一不如法差於此者在毫釐之內而失於彼者在尋丈之外矣故曰孟子之所謂仁者如射則孔子之所謂克己復禮也君子之於仁盡力而求之有不獲焉退而求之身莫若自克自克而反於禮一日足矣何也凡害於仁者盡也害於仁者盡而仁不可勝用故曰非禮勿視非禮勿聽非禮勿言非禮勿動一不如禮在我者其微而民有不得其死者矣非禮之



寧其於殺不辜不仁之禍無入於此故也

剛近仁說

同前

孔子曰剛毅木訥近仁又曰且言令色鮮矣仁所好夫剛者非好其剛也好其仁也所惡夫任者非惡其佞也惡其不仁也吾平生多難常以身試之凡免我於厄者皆平生可畏人也擠我於險者皆異時可喜人也吾是以知剛者之必仁佞者之必不仁也建中靖國之初吾歸自海南見故人問仔汝論平生所見剛者或不幸死矣若孫介夫諱立節者真可謂剛者也始余弟子由爲條例司屬官以議事不合引去王介甫謂君曰吾條例司當得開敏如子者君笑曰公言過矣當求勝我者若我輩人亦不肯爲條例司矣公不荅徑起入戶君亦趨出君爲鎮江軍書記吾通守錢塘往來常潤間見君京口方新法之初監司皆新進少年取吏如束濕不復以禮遇士大夫而獨敬憚君曰是仇丞相不肯爲條例司者謝麟經制洞溪事宜州守王奇志

戰死君爲桂州節度判官被旨鞠吏士有罪者麟因收大小使  
臣十二人君并案且欲盡斬之君持不可麟以語侵君君曰獄  
當論情更當守法追撓不進諸將罪也既伏其罪餘以可人戮  
乎若必以非法斬人則經制自爲之我何焉麟奏君抗拒君  
亦奏麟侵獄事刑部定如君言十二人皆不死或以迂官吾以  
是益知剛者之必仁也不仁而能一言活十二人於必死乎方  
孔子時可謂多君子而曰未見剛者以明其難得如此而世乃  
曰太剛則折士患不剛耳長養成就猶恐不足當憂其太剛而  
懼之以折耶折不折天也非剛之罪爲此論者鄙夫患失者也  
君平生可喜者甚多獨善此二事遺其子觀勵明剛者之以仁  
以信孔子之說

論仁

梅文安公

仁之說不可不知久矣人有常言仁人道也謂之人道則豈非  
天地所事矣然易有大哉乾元是乾以元爲大也至哉坤元是

坤以元爲至也或生或殺天地一德耳而易獨以生爲天地之大德或嚴凝或溫厚夫地一氣耳而易獨以溫厚爲盛德氣夫天地於仁若此而況人之所以爲人者乎孟子曰孩提之童莫不知愛其親又曰今人乍見孺子將入井皆有怵惕惻隱之心即是推之此童也非必有別於親彼孺子也非必有係於我而愛而不忍自然發於方寸則人之於仁殆已而生俱生而无所不可解矣然自孔門觀之受業者三千其衆如子路冉求如公西赤皆其高弟也宜借進於仁久矣而聖人每曰不知其仁其所僅許以仁者顏淵氏而止何仁之難能歟蓋昔之論道者雖曰吾言甚易知甚易行而天下莫能知莫能行夫仁亦猶是也即性以論仁則夫人而有之固甚易知甚易行矣及其生而靜者感物而動生而厚者因物而遷良心所有或陷溺而不得盡然後有所謂孝莫能勝行莫能致者焉故曰君子而不仁者有矣然則務孝之始可不慎哉雖然仁固聖人所罕言若不可以

驟而語也及稽顏淵氏所以爲仁之目亦曰非禮勿視非禮勿聽非禮勿言非禮勿動而已有志於仁者能即視聽言動之際一切以禮自防則已无不克之失終身如夫子之戒而其爲仁也孰禦

仁說

濶上丈人

解仁字引身躰之不仁与草木之實謂之仁其說出於伊川而穎昌韓公又質之佛經而深以爲然也夫仁之實愛而已矣韓子曰博愛之謂仁尽之矣若以爲未足盡仁之躰則孔子固曰博愛濟衆奚事於仁必也聖乎博愛亦豈遠近之事哉夫愛者仁之實也仁者其成躰也譬之水濕者水之實也水其成躰也謂仁爲愛則不可然仁不出乎愛也謂水爲濕則不可然水不出乎濕也仁之道主於愛愛之端原於心擴而充之行於人決乎万物塞乎天地通乎神明澤乎方世語其盛德仁之德也要其成功仁之功也推其所以爲此者則愛而已矣能忘愛之道

去耳故曰仁者人也合而言之道也人之道主於愛而已矣所以為仁者其與人固未嘗相離也然不可以仁名也若夫身躰之仁与草木之實之仁則性是也所以為仁者而非仁也舜由仁義行非行仁義蓋躰其所以為仁義者而仁義不足以名之也孔子之語仁義孝者可得而聞也性与天道不可得而聞也性豈遠哉所以為仁義者是已然仁義可聞而性乃不可聞是果同耶莊子猶曰庸詎知天之非人乎知人之非天乎是天人之際豈有間哉而人道可得聞天道乃不可聞是果同耶至於問仁而孔子答之不同何也蓋仁之道至大聖人卒其一方一曲以名之故曰能近取譬可謂仁之方也已

仁說

南軒先生

人之性仁義禮智四德具焉其愛之理則仁也宜之理則義也讓之理則禮也知之理則智也是四者雖未形見而其理固根於此則躰實具於此矣性之中只有是四者方善以是履乎是焉

而所謂愛之理者是有乃天地生物之心而其所由生者也故仁  
為四德之長而又可以兼能焉惟性之中有是四者故其發見  
於情則為惻隱羞惡是非辭讓之端而所謂惻隱者亦未嘗不  
貫通乎此性情之所以為躬用而心之道則主乎性情者也人  
惟已私蔽之以失其性之理而為不仁甚至於為彼為忍豈人  
之情也哉是陷溺者深矣是以為仁莫要乎克己已私既克則  
廓然大公而其愛之理素具於性者无所蔽矣愛之理无所蔽  
則與天地万物血脉貫通而其用亦无不周矣故指愛以名仁  
則迷其躬性子所謂愛是而愛之理則仁也指公以為仁則失  
其真之性子所謂仁是世胃此而公者人之所以能仁也夫  
靜而仁義禮智之躬具動而惻隱羞惡辭讓是非之端達其名  
義位置固不容相奪倫然而惟仁者為能推之而得其且是義  
之所存者也惟仁為能恭讓而有節是禮之所存者也惟仁者  
為能知竟而不昧是智之所存者也此可見其兼能而貫通者

矣是以孟子於仁統言之曰仁人心也亦猶在易乾坤四德而統言乾元坤元也然則孝者其可不以求仁為要而為仁其可不以克己為首乎

釋義

無為子元素一

親之為稱非定名也曰父子曰兄弟咸一其稱焉曰親也可矣則石碯去子以靖衛叔向戮弟以宣晉主有以異也左氏載君子之評曰石碯純臣也惡州吁而厚焉焉大義滅親其是之謂乎紀仲丘之譏曰叔向古之遺直也三數叔魚之惡不為不滅猶義也夫可謂直矣言於義未安也以石碯之去子也則義其事而且大之以叔向之戮弟也則曰於義未安其為言也不亦異乎釋曰大義滅親之言不可以訓且借諫其君曰聞愛子教之以義方及子辱焉州吁游禁之不可則義方之說能言亦自時厥後桓公殺已久矣州吁惡已貫矣兵用已黷矣民力已困矣姑以權誘而殺之無乃後乎儻在民謂之曰權則吾不得而

非也謂之曰直則吾不得而非也苟方一有得於義也則確也  
爲之大孰能爲之小乎親也者果特子之謂邪庸知其非父之  
謂邪經有各親其親又有孝始於事親則亦父之謂也已矣設  
有以權而滅其父左氏亦可大其義乎是大義滅親果不可以  
訓嗚呼聖人修春秋其教之所存文之所害則刊而正之以規  
勸誡大義滅親得非文之所害乎

論義

王丞相公

理生混群兼愛之謂仁列敵度宜之謂義仁義同出乎德而仁  
者德之愛義者仁之制兩者必相爲用而後能成德夫聖人視  
天下万物其心不啻若父之於子皆欲有以覆護聖育之混然  
如天地之德而無所不養也然聖人之意以爲苟推吾所愛以  
同乎天下之物則是愛親之心與愛民之心一也愛民之道與  
愛物之道均也則万物之倫不幾乎乱矣於是乎主德以愛而  
理之以義使不至乎無差等也故制爲父子兄弟夫婦長幼之



序又爲君臣師賓朋友隆殺之節所以裁制品類辨異上下使  
天下万物至於各得其宜而後已此聖人所以立人道也夫天  
地之大雖其變化不可測而其心本以生物為主有陽之生育  
而無陰之肅殺以濟之則生物之功有時而匱是故小則有晝  
夜晦朔之變而大則有生殺寒暑之序此万物之所以能生成  
而天地之所以能長久也觀天地之道如此而況操富貴之勢  
以順天地理万物而制天下之變者乎事物以盛至於己者不  
一則兼列前而衡之以心心至於己明而衡之以道所以辨是  
非立可否此則義之常也不足然後濟之以權權之爲用初若  
不合乎人之情而必有以治天下理万物者此又義之變也推  
此以治天下之事可旣用哉易曰理財正辭禁民爲非曰義此  
聖人奉義之序而言之也蓋理財所以富之曰富矣則正辭以  
教之曰教矣然後禁民之爲非者故曰聖人奉義之序而言之  
也其言乾之德則曰利者義之和蓋義之爲道裁多寡之數

上下之分有所分辨而和不行於其間是故濟之以美利利方物而無所不利也而方物不亦和矣則利之為德之美義不足以及盡之也聖人配天地而行者也則曰利物足以和義蓋理財正辭禁民為非而義者之用為已至矣蓋猶以為治人道而已至於利物而能和則天德也極天下萬物而使之无間則莫知其為義之用也此又義之大也如此則知義之本末也

### 論義

梅文安公

嘗聞立人之道曰仁與義又曰失仁而後義是仁也宜大於義矣然仁者人也苟无義焉為之列敵則知欲達人欲立人而已其敵也將至於失我仁者愛也苟无義焉為之度宜則愛親如愛民愛民如愛物其敵也將昧於等差故仁之有義猶陽之有陰猶柔之有剛相須而行闕一不可別而言之仁之於父子則義主於君臣也事親仁之實則義主於從兄也合而言之則凡制為尊卑長幼之序師賓朋友之交所以隆殺損益先後重輕

必使天下万物秩然各得其宜者蓋無往而不為義也豈惟仁  
哉有配道而言是矣若道義之門配義與道者也有配德而言  
者矣若尊德樂義陳之以德義是也有配禮而言者矣若禮義  
有所錯進以禮退以義是也有配理而言者矣若義理著禮之  
文理義之悅我心見也由此推之有待而然義設於適夫豈可  
以一端而究哉於是深研至理默照以心隨用隨通而會於无  
所不當焉茲所貴乎善學者也是故對利而言則知君子所喻  
常異於小人對恩而言則知門外之治必殊於門內對命而言  
則知義在所去者或委之有命對生而言則知義在所取者或  
至於舍生以至無適也無莫也去就何容心哉惟義之与此而  
已言不必信行不必果也言行何容心哉惟善解在而已見義  
不為斯曰元勇聞義不徙斯以為憂然則昔人請義為正路為  
土地者其亦何往而弗由之乎且周之教万民也猶以義處中  
和之先賈將用其民也猶以未知義為慮況於士乎況於三公

平易曰和順於道德而理於義義固出於道德也以告子之智且嘗疑而外之則九務孝者可不講明其本乎雖然義固內矣君子固嘗以義爲質矣而易又有言義以方外何也蓋方其有飲以直內斯用義以方外及以義爲質焉則必用礼以行之亦各有所當而已此又講明之際不可以不知者

礼論

臨川先生

嗚呼荀卿之不知礼也其言曰聖人化性而起僞吾是以知其不知禮也知礼者貴乎知礼之意而荀卿盛稱其法度節奏之美至於言化則以爲僞也亦烏知禮之意哉故礼始於天而成於人知天而不知人則野知人而不知天則僞聖人惡其野而疾其僞以是礼興焉今荀卿以謂聖人之化性爲起僞則是不知天之過也然彼亦有見而去爾凡爲礼者必誅其放傲之心逆其嗜欲之性莫不欲逸而爲尊者勞莫不欲得而爲長者讓鮮踴曲拳以見其恭夫見之於此豈皆有樂之之心哉患上之

恩已而隨之以刑也故荀卿以爲特效之法度之威而爲之於外此亦不思之過也夫斷木而爲之器服馬而爲之駕此非生而能者也故必削之以斧斤直之以繩墨圓之以規而方之以矩束膠漆之而後器適於用焉前之以銜勒之制後之以鞭策之威馳驟舒疾无得自放而一聽於人而後馬適於駕焉由是觀之莫不劫之於外而服之以力者也然聖人捨木而不爲器捨馬而不爲駕者固亦因其天資之材也今人生而有嚴父愛母之心聖人因其性之欲而爲之制焉故其制雖有以強人而乃以順其性之欲也聖人苟不爲之礼則天下盖將有慢其父而疾其母者矣此亦可謂失其性也得性者以爲僞則失其性者乃可以爲真乎此荀卿之所以爲不思也夫狙猿之形非不若人也欲繩之以尊卑而節之以揖讓則彼有越於深山大麓而走耳雖畏之以威而馴之以化其可服邪以謂天性死是而可以化之使僞耶則狙猿亦可使爲礼矣故曰礼始於

天而成於人天則無是而人欲爲之者舉天下之物吾蓋未之見也

非禮之禮

臨川先生

古之人以是爲禮而吾今必由之是未必合於古之禮也古之人以是爲義而吾今必由之是未必合於古之義也夫天下之事其爲變豈一乎哉固有迹同而實異者矣今之人認認然求合於其迹而不知權時之變是則所同者古人之迹而所異者其實也事同於古人之迹而異於其實則其爲天下之害莫大矣此聖人所以貴乎權時之變者也孟子曰非禮之禮非義之義大人不爲蓋所謂迹同而實異者也夫君之可愛而臣之不可以犯上蓋夫莫大之義而万世不可以易者也桀紂爲不善而湯武放殺之而天下不以為不義也蓋知何所謂義者義之實而湯武之事有所變而吾欲守其故其爲蔽一而其爲天下之患同矣使湯武暗於君臣之常義而不達於時事之權變則

豈所謂湯武哉聖人之制禮也非不欲儉以為儉者非天下之  
欲也故制於奢儉之中焉蓋禮之奢為衆人之欲而聖人之意  
未嘗不欲儉也孔子曰麻冕禮也今也純儉吾從衆然天下不  
以為非禮也蓋知同之所謂禮者禮之常而孔子之事為禮之  
權也且奢者為衆人之所欲而制今衆人能儉則聖人之所欲  
而禮之所宜矣然則可以死從乎使孔子蔽於制禮之文而不  
達於制禮之意則豈所謂孔子哉故曰非禮之禮非義之義大  
人不為釋者曰非禮之禮若娶妻而朝暮拜之者是也非義之  
義若籍交以執仇是也夫娶妻而朝暮拜之籍交以報仇中人  
之所不為者豈待大人而後能不為乎嗚呼孟子生孟子之意矣

### 論禮

梅文安公

嘗聞孟子先於修性修性莫要於守中惟性雖出於天也必有  
待乎修惟性雖出於性也常易失而難守此人之於禮所以不  
可斯須去身而其實其文其本其末則有不可不辨者何以言

之原性之初本生而靜喜怒哀樂一切未發而存於心則渾然大中何所偏係及夫感物而動即性生欲合於欲斯有愛矣於欲斯有惡喜怒哀樂自是而馴致焉謂之七情情竇日開隨所感觸則有麗於一偏而不得其中者矣夫中者天下之大本人受天地之中以生所謂命也是人之於中與生俱生願若不可以暫去而云爲之際乃常參差舛繆不失之過則失之不及者惟其莫不欲中而莫知中之所寓終亦昧然去之而不自覺耳於是事爲制曲爲防使人有所取正而惟中之循焉則禮之所由設也周官曰以五禮防萬民之僞而教之中記曰師尔過商也不及子產能食之不能教將何以爲此中者也孔子曰礼乎礼夫礼所以制中也然則有一言而可以及礼之實者其惟中乎今夫自迹觀之等君臣親父子睦兄弟正夫婦合朋友其詳見於形名度數可謂不一而足矣然考其所以等之親之睦之正之合之之義則不過損益節文以趨於中而已是以礼之在



天下如規矩如繩墨如權衡一定而不可欺而天下之人治身  
修性亦莫不要之以禮爲準賢者智者必俯而就雖有餘而不  
敢盡也愚不肖者必企而及雖不至而不敢不勉也由是而仁  
以之愛則愛不至乎墨義以之斷則斷不弊乎忍智以之周則  
周不遁乎詐信以之固則固不入乎拘周浹彷徨无適而不得  
其當自然允蹈於皇極中庸之域矣夫皇極中庸之道箕子子  
思所嘗反復丁寧以爲天下万世法者也而礼之實用乃振於  
此則務修性者其可以不勉哉雖然聖人之教其子先以孝詩  
次以孝礼而荀卿之論孝亦曰始乎誦經終乎讀礼是礼也果  
且有待而後學乎盖此所謂孝者孝礼之文如其實則著於心  
久矣夫中非主不止外非正不行惟礼之實素著於心然後取  
正於文爲以副其誠可也苟惟中无所主誠不加焉方且區區  
從事於外降上下周旋揖遜之勤則其能不始於僞爲終於厭  
怠者鮮矣是故善孝礼者必以實爲先而輔之以文故曰忠信

之人可以孝禮若夫老氏以禮爲忠信之薄荀卿以禮爲生於  
聖人之僞者亦豈立言之苟異哉晚周以還文威質博弱心凡  
所事於禮者虛文而已矣未流而已矣薄之僞之其有意於反  
本乎又學者不可不知也

四端論

橫浦先生

昔孟子抱堯舜禹湯文武周孔之道歷聘齊梁之間於梁惠則  
一去不復介意至於齊宣則眷眷不忍舍去其故何也蓋孟子  
有節於內合其節者苟可與論堯舜禹湯文武周孔之道也不合  
其節雖爵以公卿祿以土田不復回首將浩然長往矣所謂節  
者何也其曰仁乎人而不仁則我飽而忘天下之饑我暖而忘  
天下之寒我逸而忘天下之勞惟知有我而已天下四海雖血  
肉傷殘溝壑流殍不恤也是謂血脉斷絕猶人之肢躰不知痛  
癢醫家謂之不仁蓋以其血脉不通也知有我而不知天下四  
海非血脉不通而何梁惠以土地之故靡爛其民而戰之大敗

將復之恐不能勝又軀其所愛子弟以殉之夫惠王知愛土地而已雖付斯民於死地不恤也未使其意又付所愛子弟於死地亦不恤也血脉斷絕如此故孟子曰不仁哉梁惠王也仁者以其所愛及其所不愛不仁者以其所不愛及其所愛惠王如此是尚孟子之節不合矣決然而去何足怪乎齊宣王好勇好貨好色好今之樂庸鄙如此孟子何爲而眷戀哉蓋嘗聞其以羊易牛也齊宣王坐於堂上有牽牛而過堂下者王見之曰牛何之對曰將以釁鍾王曰捨之吾不忍其觶解若無罪而就死地夫見牛赴死而其心惻然有不忍之意是竟舜禹湯文武周孔之心也是孟子所存之節也好勇好貨好色好今之樂儻推不忍之心於其間使不爲一已而與民同之也故孟子指此而言曰是心足以王矣孟子即齊宣王不忍之心游泳其間眷眷不去蓋謂此也嗚呼人者天地之心也其誰無不忍之心哉但不忍之心起而輒泯此所以爲愚人也若聖人者其心常在

絲不絕施之於身則耳目聰明血氣和平於之於家則父子篤  
夫婦睦兄弟和施之於朝廷則君君臣臣賡歌迭和施之於  
政教禮樂之間使四海九州之民咸被其澤猶未已也垂法天  
下使後之人舉其心以行其法傳其仁心使億萬斯年而不已  
何所有之遠乎子產惠人也然惠而不知爲政至於先王有不  
忍人之心斯有不忍人之政矣非所謂惠而不知爲政也夫有  
不忍人之心而不能行不忍人之政是其思慮之狹小識見之  
卑陋也孟子曰今有仁心仁聞而民不被其澤不可法於後世  
者不行先王之道也子產不知先王之道故有仁心仁聞而所  
濟不遠矣且以一事觀之子產潤涸涸之人深冬涉水乃以其  
乘輿濟之是其心之不忍與堯舜禹湯文武周公之心同也然  
而焉得人人而濟之乎故孟子推其失曰爲政者每人而悅之  
日亦不足矣若孟子之心先王之道則思慮廣大識見深遠不  
爲目前之給而爲萬世之利故人之涉水也則每歲十一月徒

枉成徒枉者人視所行之橋也十一月興梁成興梁者車馬所  
涉之橋也橋有兩道人車不相妨而往來者受其利免冬寒之  
苦而有億萬斯年之福所謂政者類如此即此一事以觀之則  
先王有不忍人之政豈可以心喻而默識矣以不忍人之心行  
不忍人之政使事事皆如徒枉與梁之利豈不治天下可運之  
掌上乎然而人皆有是心也何獨先王乎何以見人皆有是心  
哉有人於此其心本無一事也倏然見有孺子者將入於井則  
其心將如何哉必於無事心中肅然而起怵惕惻隱之狀期乎  
疾走救之而後已當是時也其幾迅速間不容息思慮不及知  
識不致何暇較計內交於孺子之父母乎亦何暇較計要譽於  
鄉黨朋友乎又何暇較計惡其聲而然乎是其天理決然遇事  
而發欲罷不能也若夫釋老之學豈知此即彼已視世間如夢  
幻一彭殤爲齊物孺子死生何所介其心哉是未知天理之運  
用也予嘗聞吳給先生之論此矣曰孟子云乍見孺子乍見字

極有意義子矢而獲之今日試爲諸君明之世有從事於兵革之間者朝殺數千萬殺數萬至有置嬰兒於鋒刀以爲戲玩之具彼豈無不忍之心哉以其慣習於殺人尔使其端居靜慮忽見孺子入井將有不忍之心暫然而著其心矣乍字之意豈在是乎孟子憫天下之故揭以告之曰惻隱之心仁之端也羞惡之心義之端也辭遜之心禮之端也是非之心智之端也惻隱之心予前論之諸君已默識矣所謂羞惡者大凡羞而不肯爲惡而不肯作此心即義也所謂辭遜者大凡辭而不肯受遜而不肯爭者此心即禮也所謂是是非者大凡是而喜之非而惡之此即智也諸公試以心辨之坦然明白誰可眩惑雖然有是四端而不知李問不能辨識者則其心無所節行惻隱於所不當行故有不愛其親而愛他人者行羞惡於所不當行故有不耻小人而惡君子者行辭遜於所不當行故有遜位於子之而召亂者行是非於所不當行故有非君子而是小人者此其所以

不可不幸也此四者之心因事而起隨即變滅者是其端耳有四端如人之有手足也可以運用可以行止若釋氏則無手足徒有腹心爾安知運用行止之理哉故明道先王斤之曰言爲無所不周實則礙於倫理自謂窮神知化而不足以開物成務謂其無手足也孟子曰人之有是四端也猶其有四骸也其真知言者歟蓋有是四端則有父子之愛有君臣之義有夫婦之別有兄弟之懿無是四端則如死灰如槁木無君臣無父子無兄弟夫婦枯死瘠絕何足以知宗廟之美百官之富乎然人之自棄者多矣其棄人者亦多矣故有是四端不能躋認而舉行之者自賊者也謂人君不能當此而不肯告之者賊其君者也故孟子斷之曰凡有四端於我者知皆擴而充之矣若火之始然泉之始達夫知之一字在我而不在人知者體認之意今則隱之狀愀然是吾仁也吾既知其狀矣則推而達之於人事之間使血脉流通則擴而充之即所謂推也夫知之非艱而推之

爲艱知也猶火之始然泉之始達也知之而不推是必有人欲以礙之也人欲礙之是滅始然之火而窒始達之泉也豈有昭明灌漑之功哉知而推之惻隱羞惡辭遜是非見幾而位不妄終日其心何哉惟有四端而已所以本根深固枝葉婆娑游泳乎君臣父子夫婦兄弟之間如聽絲竹笙簧如觀文章辭賦何其甚樂也故曰苟能充之足以保四海以謂血脉流通也苟不充之雖父母且不知矣況君臣兄弟夫婦乎血脉斷絕不仁之人也孝者儻觀予少儀之說以審其內觀予四端之說以行其外則聖人之心亦思過半矣



新刊 國朝二百家名賢文集卷第十六

論著

聖道三

辯幸

終南先生

金玉寶於時以其能為朝廷畫服旌旗之飾示朝薦享圭幣之用次為利兵以禦暴寇又為鐘磬以備郊祀彼珠犀翠羽水精之屬非帝王人目動用可資取者今人得之無不秘蓄以自愛異寶用止於婦人纓綬繡恠邪媚所服焉幸者不窮堯舜文武周孔之法言但按摘百家諸子巧譎縱橫之言以資辯利而爭霸其說則何異奔朝廷軍服之飾郊廟鐘磬之用而專取譎恠邪媚纓綬之佩服乎大抵聖人之旨盡在乎經幸者不當捨經而求百家之說道德淳正莫過乎周孔幸者不當叛周孔以從楊墨自古聖人立教化之大者則曰孔子傳其道則曰顏淵若心乎仲尼矣後世又明孔子之教者孟軻稱生民以來未有如

孔子者為廣軻之道則揚雄亦去由垂公舜文王為正首揚墨塞  
路孟軻辭而闢諸軻如也嗣雄之旨則曰王通通曰大哉君君  
巨目父父子子六失婦婦夫子之力也夫子其與太極合德德  
道並行乎如通之字者則曰韓愈愈尊夫子道以為追禹弗及  
於是片釋氏續頽綱俾忠恕之道煥然復如日月之明民到于  
今賴之焉嗚呼愈死未有卓然明其孝顯其道者乃刻詞於石立  
乎夫子之庭以繼孝者去

好孝

孫文懿公

魯哀公問弟子孰為好孝子曰有顏回者好孝不遷怒不貳過  
不幸短命死矣今也則亡然則祿重諸子銓品四科文孝之稱  
游夏獨至有顏氏而下皆非好孝則是科也其妻設乎不然聖  
訓淵聖古所未謫子嘗試論之云中賢之性生而同習而異俗  
茲伍按其變也雖桀跖之不若附義黨仁其成也區與惠之可  
公就孝而言則道有隆殺功有巨細顏子之於善也一聞之十

得之藝焉而伏膺仰焉而求誠及夫嗜慾功名則愧聖憂懼  
將撻于溝壑故過不及貳幾不待顯庶乎理而近乎聖矣游  
夏之於善也或悅之或戾之鑽覈而不固執持而不稔及乎紛  
華作則景慕安佚恪思而後反故過弗能止幾弗能耽思乎道  
而及乎賢矣孔子曰知之者不如好之者好之者不如樂之者  
樂則聖好則殆庶知則中材而已矣若游夏者謂之多聞博識  
可也謂之好且樂斯亦未矣或曰使二子勤行慎習久而不廢  
則顏氏可追乎曰李可追然亦小有等差焉柳宗元謂明高為  
天下之用常以爲天下之道其注於人也爲明爲志而有等限  
量茲近之矣然則孟子爲仁義忠信天爵之道是皆可力終而  
取果誕說乎曰極性之品柳子有焉教人之善孟子有焉依性  
而教之使不越其分不陵其節不失其正者聖人中庸之旨乎

饒孝

公是先生

自周以來至于今千有餘載孝者益多悖者益少其何故哉古

之孝者其材非有殊於今也其所聞者皆正聲爾其所言者皆  
正道爾其所視者皆正色爾其所習者皆正術爾於以孝道是  
由性之也其達不亦宜乎今之孝者其材亦非有殊於古也其  
所聞者非正聲爾其所言者非正道爾其所視者非正色爾其  
所習者非正術爾於以孝道是由反之也其不達不亦宜乎且  
古之孝者非獨性之而已又多勸之以義公之孝者非獨反之  
而三又多勸之以利嗚呼居今之世孝古之孝不日勸乎其數  
至矣而猶未適於道不亦可悲乎雖然非孝者罪也非人性不  
同也非道去世也時俗敗矣師術喪矣復使古之人生於今之  
世其孝亦若是止矣雖然君子不可不勉也天下之治在道道  
之意在經唯夫好孝之士博雅之人與一山起絕者將獨至焉  
其亦安能如古之多達者哉雖然古之達者其達並有位則所  
施之今之達者其達並有位又將以更為師則是其孝之也未  
始非孝於用者也勞心於无用豈不可憫也哉嗚呼孝之猶不

孝也不孝猶孝也習俗久矣誰居其救此敝者其唯聖人乎

招孝

廣陵先生

孝者曰吾固愛木之不自已焉安得吾孝而木然也安得人孝而木然也吾孝而然將有以與之人也人孝而然有以取於人也吾孝而然與之人友道也人孝而然取於吾師道也友且師孝而不倦者夫木哉木哉安得吾孝而木然也安得人孝而木然也今夫木始於萌蘖眇於毫髮計其根萌之徑相長不過以寸及其春夏之綿留雨露之兼仍積之日長生之不休弥抱而不可拱焉則休者安其陰息者仰其材晚而上計之千日尋而不可適視其在茅蘖毫髮時豈不過甚而得已邪然而不足猶若也向使其拱把而止則乃折若芽然惡在能千百尋哉今夫木生於山林而用於厦屋木非能手孝以招言列於人而因謂其材也而又山林之於厦屋其遠勝言哉而人不能遺斧斤必至焉故木患不材耳安有材而遺者也使其材而或遺則為

材益大爲材益大則世豈能終遺之哉雖然木生自兩也非爲  
爲材而後生也非爲人不以爲材而不生也故木有不以夫君子  
吾固曰亨者曰吾固愛木之不自已焉安得吾亨而木然也安  
得人亨而木然也今夫人之所以異於禽獸者非謂衣而不毛  
也以其聰明視聽然也視父而知爲親聽長而知爲順此人之  
所以異於禽獸也然而未善視聽焉百步之間荒忽之外察一  
芒毛之垂而聞一蚊蠅之聲者知聾師曠之所以異於衆人也  
然而未及大視聽焉顏子坐而視百世之上見舜之行焉聞堯  
之言焉坐而視當世見孔子之行焉聞孔子之言焉聞而視一  
身見過發萌於未形聞非然倡於无聲故予然自持循且曰舜何  
人也予何人也又曰瞻之在前忽然在後惟顏子爲能見也惟  
人固不之見也非惟顏子爲然惟舜亦然舜樂取於人以爲善  
取於人以爲善是見而取之也樂取於人以爲善是聞而取之  
也非惟舜亦然孔子亦然孔子曰今吾於人也聽其言而觀其

行顏子以之自明舜以之取人孔子以之改過夫人能自明若  
取人与改過豈不為大視聽哉故知貴之明師曠之聰是天与  
之也顏子之聰顏子之明幸得之也天与之故能勝人幸得之  
故能勝天今夫視者聽者縱天与之也然而未如幸得之也幸  
得之如何如顏子而已矣如之何如顏子幸不倦而已矣大哉  
孝乎今夫人莫不孝也然而未得名好孝者猶范之冠蟹之筐  
耳以其名為而實非也人能有惡范冠蟹筐之心則知好孝矣  
天道固不遠人而人言遠之苟有求道之心而持之至誠則何  
可當邪苟惟有求道之心而不能以至誠亦未如之何也已詩  
不云乎伐柯如之何匪斧不克者謂其孝道非至誠不傳也人  
皆曰我智過禽獸而視之而未有以過之也故求高不如鳥求  
深不如魚千仞之山人不勝其高也而鳥常卑之更擇高而巢  
焉以是而人不得而窺也千仞之淵人不勝其深也然而魚猶  
薄之汨其深而尤焉故人不得而釣也苟能充魚鳥高深之心

而施之孝則人能及之者鮮矣夫道无遠而人無不能有遠不能者謂不為也今有人曰吾不能走千里之遠而能反復百步之間不休則二里也夫未喜子都天下之大姣者也人固以未喜子都為大姣而未喜子都尚自懼未為姣更漸朱塗粉慊然惟懼人或美於已而不得美於人嗚呼豈謂好聖人者不及未喜子都姣乎然孝者亦捨已而先人故夫今之人責人以義而待已卒以怨責人以義則人之就聖人也速待已以怨則已之去小人也緩且不知責人不已竟何多於已也苟能以攻人之心而攻已之心則過失不勝其攻矣夫觸刑辟而為非礼義者小人之肆者也懼刑辟而不為非礼義者小人之拘不得志者也可以為非礼義而不為非礼義孝者之守也情安礼而行安義君子哉惜乎未及好孝者也吾孝而求為君子者也嗚呼不為小人之拘不為小人之肆者幾希哉夫人之於人則患有不知有不能間而自為己則安矣不知而孝不能陋夫欺人



哉今有疽瘍之在身則求於人而願去雖撓腠折額累告曰痒而不辭也有不求而爲之濟而愈則百思謝之至於過惡之在身而不知求人或者吉之則不謝更怒甚哉疾惡之不如疽瘍也斯人而有取者鮮矣人之爲父兄愛子皆知擇師而教之至於身則不知孝惑矣夫

孝論

左丞陸公

語道而无序則不足以取道文而无序則不足以得道蓋古之孝者莫不有序而自其粗者習之至於精也自粗而不至於精者有矣未有至精而不自乎粗者也甚矣後之孝者倒道而言弃其節目而不得乎孝也夫以詩書与礼者孔子之所雅言而利命与仁者孔子之罕言也性与天道者子貢之所不得聞而死与鬼神者子路之所不得問也而今之孝者則有異乎此也仁義不足以知之而論乎鬼神生未足以知之而論乎死大抵好論孔子之所罕言与其不言者而略其雅言者焉其惑甚矣

雖然蓋亦有源焉我知之矣其弊乃始於老子列禦寇庚桑楚  
莊周之徒也何哉凡理之深者孔子言之也略其所言者不過  
存之一言而已矣懼其有以惑衆也不幸有老子者以聰明超  
世之才當襄周之末世天下之士沉於人偽而喪其天真欲矯  
之而言反流於太過凡孔子之所以有之於一言者以書辨之  
凡數千餘言雖然言猶約矣未至深感天下也不幸又有列禦  
寇庚桑楚莊周之徒相望乎其後而凡老子之所以約之於數  
千言者則汪洋浩渺而敷於數千萬言之間矣至於孔子之雅  
言者則反忽之而以爲不足言焉曰此先王之糠粃也此先王  
之土梗也是故有以鼓動天下之心而人始大惑矣雖然孔子  
之雅言者以聖人之妙觀焉則誠若緒餘然而推之以待後之  
學者不已精乎記曰道之不明也我知之矣賢者過之不肖者  
不及也所謂賢者過之者其老莊之徒歟嗚呼世之儒者所以  
蔽於如此者何止昨以天欲求速成而助長故孔子曰非求益

者也欲速成者也孟子曰今之助長者捫諸者也非徒无益而  
又害之然則可以益人亦可以害人李者固宜慎也嘗聞之李  
者之道其要在於切問而近思蓋泛問所不能則所聞者蕩而  
不盡善泛思所未達則所得者雜而不精切者既知矣而后可  
以傳問焉近者既達矣而后可以深思焉能如是矣然石可以  
居之安而資之深居之安而資之深則左右逢原也李者不可  
以如是乎

小學

賢節先生

天地否風雷能鼓其化則亨大道塞聖哲能扶其教則通夫扶  
教之難古今所以艱其人艱其人者謂何以其特立獨行于亂  
世也故善於孟軻氏得之矣方時戰國洶洶四方諸侯皆務以  
彊國足其爲尚機權詭謀自熾以競揚墨邪說復惑于時因既  
然慮美舜禹湯文武周公之道一旦而掃蕩是使天下詭譎貪  
薄而不反矣遂聘諸邦意以斯教變斯民而梁惠齊宣滕文之

君不圖于霸治則必以絕物利已爲問者其來猶順諭誘導廢之以仁義引之以詩書禮及春秋之義者何哉斯汲二公引以當道遠致其志也噫時君莫我悟邪說充塞萬章公孫之徒記其歷遊閭台洎閭居質疑之言以爲矩訓其言垂于後久矣服學者靡不覃精研思以究其道至於大易之奧捨而不言斯其旨有淵蘊坎夫易之道微隱精密與天地並也天地運化而無聲万物由之而生大易幹用而无形庶事由之而成歷之三聖而始光顯其旨豈非以道隱而義秘哉故孟氏不言者以謂彼時諸國之君昏昧蔽惑尙不能曉治國之術以至譬物擅事力与言仁義之道察察如鑑猶不能略辨其說況与談斯義哉吾所以惟適變近情以措術欲輔成其教而於易不言者爲其弗能達其本而明是非也凡人性爲而修之行焉而篤之動靜去爲不須更而離于道者皆易也故易曰立天之道曰陰与陽立地之道曰柔与剛立人之道曰仁与義可以觀之大賢聖性如

是篤行如是而輔教立言不捨仁義而弗談易乎豈不能明之  
於況易者道之本也仁義者道之用也能知其用則是達其本  
而不迷其文又何累哉蓋默而行之內所以存己之難也言而  
發之外所以示人之易也乃變而一貫豈其惑哉故作述李

李論上

淨德先生

治天下有大分大分定則天下不勞而治矣古之聖人立為名  
教者蓋道德仁義之施設所以齊民生民而維持萬世與天地  
日月相為終始而無窮已也天地之位有高卑日月之行有明晦  
此物理之大別也是故有貴則有賤有上則有下有長則有幼  
有大則有小有內則有外有近則有遠有重則有輕有親則有  
疎有富則有貧有隆則有殺有衆則有寡有彊則有弱有不則  
有未有先則有後有恩則有威有刑則有賞有善則有惡有是  
則有非有愛則有惡有剛則有柔有寬則有猛有用則有捨有  
行則有止有治則有亂有興則有廢有福則有甌有生則有殺

有與則有取有強則有伸有寵則有辱凡如此者蓋天下之理  
勢可以俱有而不可偏立也為父主於義為母主於慈為兄主  
於友為弟主於恭為君主於明為臣主於忠夫婦有別長幼有  
序朋友有信是亦不可一日忘也仁也者以愛而濟此者也義  
也者以宜而裁此者也禮也者以肅而履此者也知也者以明  
而知此者也信也者以誠而任此者也堯以是首三帝之德舜  
以是致元為之功禹湯文武以是隆三代之治皋虞契稷伊尹  
周公以是輔道其主經靖其民揭而為法度如日星之明不可  
得而差也施而為教化如江海之流不可得而竭也是故傳世  
數十歷年累百雖其子孫僅可承而守之猶足以保天下何則  
大分定故也名教存故也詩者歌詠此以刺美於上也書者  
議此以號令於下也春秋者嚴其辭使民畏此而不敢犯也易  
者神其用使民由此而不得知也六合之外聖人不言千古之  
上聖人不取其不言不取者非不知也為其不足以明大分著

名教也其矣李者之敵且惑也捨乎適而求諸遠也違乎明而  
趣諸幽也指有以言无也借虛而論實也三光五曜燦然目前  
曹莫之見及其家冥冥則孰視四方而欲辨合散犯守之迹  
得不欺吾哉四通八達坦然易履則莫之行而乃冒險陷涉危  
隘或奔崖谷或穿林莽終日蹢躅求以適天大道蓋亦迂矣胡  
不以名教大分爲之宗主邪彼名教大分者蓋与天地日月相  
始終而无窮口也誰能廢之名教大分廢則三才壞滅生民不  
爲禽獸者幾希矣李者之力既不能毀天地日月又烏能廢名  
教絕大分哉徒見譊譊於天下而滋聾瞽之惑也且天下之事  
有可以力奪者有不可奪以力者有可以勢驅者有不可驅以  
勢者有可以法齊者有不可齊以法者凡出於迹者上之人可  
奪以力也可驅以勢也可齊以法也凡藏於心者雖其力而勢  
可以死生禍福於人而不可奪我之有驅我之從況能以法齊  
我哉是故君子可蹈白刃而不可離中庸也忠且可赴鼎鑊而

不可悉大節也昔者道之不幸無如暴秦焚燒詩書坑殺李二  
捩書抵棄偶語弄市其勢与力固足以勝天下矣其為法以破  
毀聖人之道亦已至矣道果從而喪乎及漢之興六經百氏之  
書翫然雜出徧滿天下老生碩李接武于朝文章法度一日振  
起議者謂其与三代同風然則秦之法固不能繩李者亦甚明  
矣道不可喪教不可廢故也由是而言則天下之李安可盛之  
以法而必使從爾所好哉

學論下

淨德先生

天下之李而可齊以法固無有也李之興廢繫乎時之好惡則  
有焉昔者春秋為經一而傳之者三師徒異論父子異說世主  
惑於其間天下從而取捨是以武帝好公羊則穀梁廢宣帝置穀  
梁則公羊不得立左氏之書乃不為世用及其劉歆鄭眾賈逵  
陳元方輩辨析是非折以中道然後三家以擊並行於漢而傳  
習至今不絕方其舍而不用与其取而立之特一時之好惡耳



未能破碎大道敗壞風化也今則不然六經之舊說先儒之所  
講解多士之所宗師朝廷之所崇信凡立於茅宮者一切擯弃  
以爲无取而乃獨伸一己之私見力毀万世之公議一夫倡于  
前百夫和于後百夫倡于前万夫隨而和之雖亦出於世俗之  
好惡耳而於大道有破碎於風化有壞敗此君子之所深憂也  
夫易者生於數而成於變化聖人所以尽三才之理也其吉凶  
禍福進退得失之塗其安危治乱否泰消長之勢其隱則造於  
幾微之先其顯則立於神明之表烏可以七八九六之數言哉  
是故劉牧以數解不若輔嗣以用說也詩者出於情性因人之  
善惡而形之言也日月星辰風雨雲雷霜露山川草木鳥獸蟲  
魚衣服器用或目之所觸或意之所寓苟可藉之爲言而諭人  
者莫不備有方其爲言也何暇考合於名數制度而後言哉是  
故康成以礼求不若毛公以意得也然則易以數解詩以礼求  
猶不能知其旨而况以字說乎字之大本莫過六書引而伸之

觸類以長而天下之字尽在是矣一字不足以言事物之義則至于數字數字不足則至于百十又不足則至于千万句字者所以成文文者所以言義安有一字而能言事物之義哉且字有𦵿也有用也今夫以健言乾以順言坤以止言艮以動言震以入言巽以麗言離以險言坎以說言兌則可也此以一字之義則而該其𦵿也何從而為乾何省而為坤則一卦之用六位之變固未之盡况乎造化之餘蘊神明之妙用而欲釋以一字是猶以尋丈之竿而測滄海也成功告神謂之頌立政垂法謂之雅繫其國俗謂之風指物明事謂之以取譬弔義謂之興兼總辭𦵿之用丁寧反復務尽其情而不厭一篇之中屢致意焉謂之賦故樂柔之作凡十六章閔宮之一章凡三十八句如此者安可以一字為解乎昔之說五字之文至數十方言班固以為辭備之患蓋破碎大道卒者深蔽今乃區區求考於點畫從省之間則破碎又甚於若稽古之說也且三所好惡風化治亂

由此乎出昔晉之公卿徇其宗尚終日馳騁於冲寂虛曠之域  
若乘輕舟以適江湖泛然自得而忘歸其於天下國家之實  
不一語及焉其視生民蓋亦我而已故英雄伺隙而起則无  
附以救終之覆亡壞滅流禍數世亦其由來蓋王衍王導輩為  
罪之倡今之解經者不以莊則以列不以佛則以老浩乎其无  
亦冥乎其无心指鬼神之情狀而言乎分義推有无之辨用以  
反手政教三綱五常之所先君子之所取以守人倫之所恃以  
安者一切置而不議積日持久則安危治亂之任其誰尸之西  
晉之風將復見矣此君子所以深悲而不能已也安得適理知  
涯之士与之言孝哉

勸孝

龜山先生

志孝之士當知天下無不可為之理无不可見之道思之宜深  
無使心支而易昏守之宜篤无使力淺而易奪要當以身終  
之以心驗之則天地之心日陳露於目前而人之大體已在我

矣不然則是未幾荀卿所謂口耳之學非所望於吾友也

李說

濟北先生

李不可已惟知之然後能好之記曰雖有嘉肴弗食不知其旨也雖有至道弗學不知其善也而孟子亦曰理義之悅我心猶芻豢之悅我口蓋飲食旦旦之所須故譬李於飲食為最易知然猶曰人莫不飲食鮮能知味也天下豈有不習而能察者哉昔野人有甘菓莖芹萍子者對鄉豪稱之取而嘗焉莖口而慘腹夫口腹人所同也而野人至甘人之所不甘此非未嘗知甘所謂甘者而以夫已甘謂人甘者止此哉至於百工衆技皆李也下至跳劍弄丸緣竿踏索所為之終身不得已非特利所在也習而知其味故樂也若西對君子稱之則如野人之甘菓莖芹萍子其於不足味也不特慘莖而後方知之也故嘉穀世皆知其旨必食者而後益知其為旨至道世皆知其善必學者而後益知其為善曰聞而知其旨且善者意之也或曰道之出口

淡乎其無味而飲食人所甘似不類夫以人之所甘者弗食適  
不知其旨而道又淡而難好則不知者不其愈多乎然終猶是  
也病弗學耳學而人之安知其淡乎大觀四年四月旦日書  
姪公秉俾以語諸小道云